

東陵盜案彙編四 輿論

陳伯陶等致閻錫山電

北京閻總司令鑒清室東陵被發海內悲憤籲求緝

兇嚴辦並撥款修復切實保護義聲所播中外同欽

粵東陳伯陶吳道鎔鄧本遠張學華金湛霖梁慶柱

鄧善麟桂坵梁廣照汪兆鏞陳念典黃誥伍銓萃潘

元耀王頌清賴際熙岑光樾何藻翔蘇志綱章果同

叩陷

陳望曾等致譚延闓函

組安先生左右敬肅者連日報紙迭載 東陵

被盜事逃聞之下悲憤同深隨接津滬來函詳述情

形知前經北平警備張司令拏獲本案要犯譚溫江

一名旋即保釋已聯電閻總司令迅傳譚犯歸案究

治又閱報載本案續獲匪犯三名均褚玉璞軍譚部

軍士已由閻總司令再電江甯迅派大員馳往北平

審辦等語伏思民人祖墳被掘控告到官地方有司

德成紙店



亦必緝兇究辦況在先代陵寢罹茲禍變自

當嚴行痛懲務乞飭令承審人員集訊究治毋任狡

脫以儆兇頑此次禍及東陵不止竊盜贓物

其毀損情形甚為慘酷聞清室現已派員重行

奉安至毀損各處工程尚鉅尤賴撥款助為修復嗣

後為日方長更宜妥定守護章程方不至再有意外

之虞恭查清代防護明陵每年派員查勘設置

陵戶嚴禁樵採隨時修葺至為慎重咸豐間江甯城

陷前明孝陵被焚同治三年事平即行修葺完固載

在會典前事可稽尚望踵述前徽下慰民望義聲所

播垂譽無窮明公閱識碩量薄海同欽瞻仰旌麾尤

深馳企用敢敬佈悃忱上瀆清聰懇會商閩總司

令暨政治會諸公於此案懲匪修復保護三端切實

辦理以昭大義於天下不勝激切悚惶之至再閱報

紙內載委員周震麟楊熙績等以清東西陵

林礦甚富擬收歸經營一切等語傳聞之下不勝驚

詫伏查保護

清陵載在優待條件中

諸陵行樹宜禁樵採更不宜開掘礦穴震動

梓宮顛懇會商政治會諸公將所議取銷則仁聲義

聞孚洽遐邇矣專此敬頌勛祺伏惟鈞鑒陳望曾陳

伯陶吳道鎔張學華鄧本達金湛霖梁慶柱鄧善麟

桂坵梁廣照汪兆鏞陳念典黃誥伍銓萃潘元耀王

頌清賴際熙岑光樾何藻翔章果張其淦區大典區

大原李淵碩蘇寶查何成浩陳崇鼎龍兆勤同啟

陳伯陶致譚延闓函

組安仁兄世大人閣下敬肅者前歲甲子弟年七十

蒙手書義熙甲子柴桑里嶺海人文獨漉堂楹帖寄

贈以規為頌弟至今誦之不敢忘比維勛望大隆起

居多豫定符私祝日前東陵被盜弟合粵中三十

人上書左右奉懇懲辦保護並撥款助修三事隨閱

報章知江寧政治會決議保護清陵歸內部負責

此當由閣下提議贊成之曷深敬佩惟懲辦助修二

事淹忽逾月尚未之聞弟誠有不能已於言者昔者
田單守即墨縱反間謂吾畏燕人之剽燕師得齊卒
剽之置前行即墨人皆怒田單又縱反間謂吾畏燕
人之掘吾先墓燕師掘城東墳墓燒死人即墨人望
之皆哭怒且十倍遂大破燕師盡復齊城夫刑人之
體至於剽慘痛極矣然不若毀其先骸之怒甚也今
賊軍等乃炸掘東陵而暴露之民國奈何不急捕
之而緩追逸賊以甚五族人之怒乎昔者王莽斷傳

太后之棺燔其器物曹操破梁孝王之壙收其金寶
又赤眉賊樊崇等掘西漢諸陵掠取寶貨遂汚辱呂
后屍番僧楊棟僧迦掘南宋諸陵攫抉珠玉且斷割
理宗首至今讀之猶為髮指明之闖獻惡極矣然闖
獻破鳳陽焚皇陵不之掘也闖破承天殘獻陵亦不
之掘也豈闖獻有人心哉有所畏忌爾今賊軍等炸
掘東陵慘酷萬狀其惡同於操莽赤眉楊髡而浮
於闖獻民國奈何不急捕而嚴懲之以正其罪而告

無罪於天下後世乎夫發邱中郎曹操官之劫陵賊
將唐莊宗宥之播惡黔首貽譏青史此民國所當鑒
也至於撥款助修尤新政之要昔者比干墓上周室
增封柳季壟邊秦禁樵採興周霸國於遠臣且然何
況前后是以高祖承秦守始皇之冢宋公入陝修漢
祖之陵歷代以來式遵勿替我朝初起兵時以七大
恨告天謂明殺吾祖若父是視明為仇敵也而入關
之始即置守明陵世宗復為思陵建饗殿又飭令

定陵一律奉祀逮高宗大修明十三陵且言
費至百萬亦所不靳今民國以禪讓得之非同仇敵
奈何不履行優待踵企前徽而靳此區區助修之費
乎昔者宋之唐珣林德陽破家以收高考諸陵骨秘
瘞於蘭亭山中明之孫繁祉王政行率錢以葬崇禎
帝后棺奉安於田妃壙內是以人稱義士世紀逸民
譽滿當時名垂不朽夫以中國四萬萬人之眾受
先朝二百六十餘載之恩詎無有唐林孫王其人者

故弟作為敬告同胞啟請其各捐款助修然出自國
 民何如出自民國之為政體使海內外人皆悅服乎
 故弟於懲辦助修二事敢再為閣下籲陳之閣下既
 以柴桑之不忘晉獨漉之不忘明見規弟敢不勉然
 斯言亦為民國忠告也如以為罪弟不敢辭敬布腹
 心以候斧鉞肅此祇頌台安伏惟亮譽世愚弟陳伯
 陶九頓首拜上陰曆八月念二日
 附陳伯陶等公啟列位先生執事敬啟者我粵人

啟二紙附
呈尊鑒

顧念同胞好行義舉凡諸仙友安厝異域歸骨故
 鄉莫不樂捐巨款此其人非肺腑之親縞紵之雅
 與其生前有恩愛及人也直以同胞之誼情所不
 忍故樂為之耳今者清陵被掘慘酷萬狀
 而宣統帝無力修復於是厲人作為一啟請
 四萬萬同胞助修其言皆信而有徵而又能近取
 譬至為痛切現在五族共和滿蒙亦屬同胞不宜
 漠視況此清帝后乃吾先世以來受其仁

育以有今日如厲人所云者耶詩曰凡民有喪匍
匐救之行有死人尚或矜之伏乞將此啟登之報
章伸之演說並召集會館中提議俾知德無不報
義有當為近日江甯議決保護
部負責茲之助修義舉人有同心吾粵海外同胞
當倡之也專此奉懇敬頌台祺不宣鄉愚弟陳伯
陶吳道鎔張學華伍銓萃黃誥桂坵梁慶柱汪兆
鏞金湛霖何藻翔賴際熙區大典區大原岑光樾

德成號店

蘇志綱同啟
附陳厲人敬告四萬萬同胞請捐款助修清陵啟
嗚呼吾中國民族四萬萬人為歐美諸國冠歐美
人所驚詫我同胞盡知之然亦知此四萬萬人之
所從出乎考明陳建通紀王圻通考當明全盛時
人數約三萬萬自萬曆帝而後政治不綱橫加征
斂闖獻二賊乘之而起芟夷斬伐所至靡遺清順
治帝入關之始即殲二賊且盡除明代苛政以蘇

吾民於是吾民獲登衽席然十八年統計中國人
數祇二千一百六萬餘人耳康熙帝嗣位南平吳
三桂及鄭克塽北破噶爾丹與俄羅斯大難既平
深求民瘼蠲租賜復史不絕書有普免天下錢糧
之恩有子孫永不加賦之諭雍正帝復定丁隨地
起之法以寬貧民若貧者無田即無丁稅乾隆帝
踵成之而又繼康熙帝之志登極之初即普免天
下錢糧至六十年歸政凡普免天下錢糧者五次
計一次所免二千七百數十萬兩五次共免一萬
三千餘萬兩至於一隅偏災其所蠲賑者復不可
數計而又有十全武功使四夷賓服海宇晏然故
乾隆帝五十八年統計人數至三萬七千四百六
萬餘人比順治帝時增十五倍蓋三帝深仁厚澤
休養生息凡百五十餘年故滋生至此數也逮嘉
慶帝修會典時中國人數計三萬六千一百六十
九萬餘人比乾隆帝時又增五千四百餘萬然猶

不及四萬萬人之數至道光帝二十五年編審統計中國人數乃達四萬二千一百三十四萬餘人此皆見之清通考會典及王慶雲石渠餘紀王先謙東華全錄者蓋清室至是閱六帝計二百餘年凡吾高曾祖考以來享太平之福以保田宅以長子孫躍登此四萬萬人之數為歐美人所懼者何一非清帝恩澤涵濡所賜乎自是而後外患乃生道光帝咸豐帝忍恥行成為民請命及同治帝中

興南除髮捻西靖回番光緒帝繼之進復新疆甲申一役又敗法人於鎮南關威復振不料二十年甲午日人奪我高麗割我臺灣於是光緒帝力圖變法以興國勢其後西太后復贊成立憲以予民權暨宣統帝三年革命軍起隆裕太后不忍征伐以苦吾四萬萬同胞而慨然以天下讓此皆無負吾民今民國建立十七年矣清遺之臣死亡略盡國基定矣而革命家猶假九世復仇之邪誣而

忘十世受恩之深重始之以廢優待繼之以逼移
宮今復加之以盜掘山陵此可為長太息者也不
特此也考會典及東華全錄順治帝元年即定守
昌平州明陵兵額及祭典康熙帝三十八年復委
官防護江甯明太祖陵專事修圮雍正帝七年又
下詔保護歷代帝王陵寢及明諸陵如有不周即
將該地方官嚴處及乾隆帝五十年北巡至昌平
州慨明陵之頽圯即大行修復詔稱費至百萬亦

所不靳同治帝三年收復江甯時東太后與西太
后垂簾聽政以明太祖陵被毀亦諭即日修理其
衛護周至如此今清東陵內乾隆帝陵西太后陵
俱被炸掘報紙言一翠玉西瓜值萬萬圓餘珠寶
亦值千萬而不言售者何人價安從定此誕妄之
談斷不足信惟其云屍骸狼籍慘不忍言斯乃凶
惡所必至固無疑義者也近聞閩總司令錫山復
電清室陳太傅寶琛等云即緝兇究辦派兵保獲

以杜將來此民國執政義所當為吾民可毋庸置
喙惟是優待不行宣統帝蟄居天津如窶人子聞
搜括內帑得五千圓派員修復而民國百端待理
未議助修因是海內了遺諸老思集涓埃以為報
効而晨星寥落來日大難事必無濟竊思掩骼埋
胔世人以為義舉殷富之家苟動其惻隱如香港
新界均安墳墓有一人捐助數萬金而不吝者我
四萬萬同胞乎此清先帝后固吾輩高曾祖考以

德成紙店

來受其煦育以有今日者若漠然視之吾恐歐美
人謂我四萬萬同胞如涼血動物絕不足畏而中
國之赤禍即隨之而起也夫以我四萬萬同胞之
衆苟出其先朝所賜千萬分之一即可以完固山
陵而又使歐美人知黃族之可畏而不敢犯所謂
義舉尚有逾於此者乎吾為此故用敢推原四萬
萬人之所從出而請我同胞助修東陵以匡民國
之所未逮近宣統帝紆尊降貴苟集有鉅貲可逕

行匯寄無事代呈又當時讓位帝號仍存世俗不
察或呼廢帝或斥其名於義為不順我同胞直道
而行可也中國四萬萬人之一垂死老民陳厲人
謹啟

東方學會王秉恩等致閻朱商快郵代電

北平平津衛戍總司令部閻總司令朱參謀長天津

河北省政府商主席均鑒自不法軍隊盜發東陵

全國驚駭認為非常奇變幸貴總司令已負責究辦

並電中央特設高等軍事裁判人心稍慰惟聞盜陵
正犯第十二軍師長譚溫江就獲後復經保釋青島
就獲盜犯張岐厚供出十二軍軍長孫殿英及韓柴
兩旅長實為出令下手之人已否下令通緝尚不免
懷疑具瞻此案於人道國法軍紀關係至重想貴總
司令必能執法不阿嚴緝首要歸案審訊以警凶殘
至此案調查詳情及陵工如何修復日後如何保衛
想已統籌一切所有辦理經過情形事關中外觀聽

網	張	華	慶	伯	其	無	務
何	之	佟	祺	陶	淦	任	乞
成	照	濟	王	章	黃	翹	隨
浩	金	煦	式	稔	浩	企	時
鄧	湛	金	桂	王	葉	之	公
本	霖	錢	坵	季	爾	至	佈
遠	區	何	伍	烈	愷	東	送
張	大	藻	銓	羅	梁	方	登
燮	原	翔	萃	振	慶	學	各
垣	何	汪	王	玉	柱	會	報
馬	家	兆	鴻	劉	林	王	以
鑾	本	鋪	翔	承	灝	秉	副
光	鍾	李	謝	幹	深	恩	輿
沈	蘭	淵	介	許	陳	曹	情
繼	芬	碩	石	汝	懋	廣	以
賢	梁	高	區	菜	鼎	楨	洗
王	元	振	大	蘇	商	吳	國
光	任	霄	典	寶	衍	道	恥
圻	蘇	定	張	盃	瀛	鎔	臨
賴	志	安	學	嚴	陳	張	穎

際	朝	羅	文	敝	縣	半	一
熙	槐	振	化	會	盜	月	部
鄧	岑	常	維	於	掘	事	分
善	文		持	八	清	後	之
麟	杰		會	月	乾	由	珠
黃	盧		請	一	隆	該	玉
鳳	賢		中	日	及	軍	寶
藻	鑑		央	擬	慈	軍	物
易	何		嚴	報	禧	官	賣
奉	福		辦	告	兩	譚	與
塗	謙		東	有	墓	松	琉
何	孫		陵	直	發	艇	璃
國	守		盜	魯	掘	來	廠
灃	正		案	殘	時	平	古
張	塔		電	軍	附	寓	玩
鶴	思		<small>見六月廿四日 天津日日新聞</small>	在	近	中	鋪
岑	哈			河	戒	國	尊
光	金			北	嚴	飯	古
樾	興			省	將	店	齋
周	祥			薊	及	將	館

掌黃百川價值約十萬元左右等情正在查辦之中
又據大學院古物保管委員會主席致北平分會儉
電開報載東陵被殘匪盜劫業電閻總司令保護並
嚴查盜賣寶物望就近調查接洽并覆為荷當此敝
會分函平津衛戍總司令部第四集團白總指揮北
平特別市政府河北省政府等機關并面請警備司
令張蔭梧查辦在案現於本月三日由警備司令部
派員將譚松艇及尊古齋黃百川捕獲到案據黃百

川供稱銷售贓物不諱翼日警備司令部即將本案
並黃百川一名解送衛戍司令部訊辦其軍官譚松
艇一名係徐源泉所屬師長當由何成濬徐源泉索
回看管查清代陵寢係歷史制度應國民政府保護
之例豈能任人私自盜劫今竟以改編之軍隊公然
為盜匪之所不為自此案發生中外人士均極注目
若聽其逍遙法外不但平津之古蹟各物已無法維
護從此軍紀國法蕩然無存其關係尤為重大為此

電呈經過情形請通電平津衛戍司令及地方長官
嚴行究辦勿少瞻徇以為法戒而警奸邪北平文化
維持臨時維護會陽

全國商聯會請各界主張根究盜陵案通啟

六月二十四日
順天時報

公啟者近悉清陵被人掘挖盜賣寶物殊駭聽聞深
慨我華族所以優於各國者以有禮教維持之也追
遠慎終勵厚民德之舉雖在革命期中仍應力予保
持以維國本查明陵保存數百年清陵亦應一律保

護如乾隆慈禧帝后陵寢工程堅固斷非少數人及
最短期間所能掘破似此明目張膽滅絕人道之擴
大舉動必有主持之者萬懇一致主張根究主使妥
復舊觀以培民德而維國本不勝盼禱之至中華全
國商會聯合會啟

天津日日新聞 六月二十四日

天津日報社論云此次褚玉璞部下發掘東陵為世
界極惡人類所不敢為雖大逆如亂暴之共產革命

赤俄亦不敢為之儻褚玉璞軍隊長存天地之間直
使東洋道德趨於滅亡雖國民志士羣起而伐其罪
宣統皇帝亦不能減其悲痛儻南京政府置之不問
則不及數月必至滅亡可斷言也如虎如狼之褚玉
璞軍隊發掘清室東陵將價值三四千萬元之寶物
運來天津方面售賣各節已詳記各報得此消息之
宣統皇帝異常悲痛已自前日起在張園服喪並設
祭壇以慰祖宗之靈皇帝及羣臣悲憤之餘當與山
西方面交涉並組織調查委員會不日諸委員即由
山西軍隊保護同赴東陵查勘實情矣對此人道
之蟲賊及東洋道德之破壞者志士仁人應速奮起
蓋東洋道德之精神即在崇拜祖宗四字吾輩東洋
人已尊崇數千年於茲矣今日文化日增為毫無疑
義之事乃近年支那人一以戰禍頻仍一以國家之
不統一各種邪說橫行而以國民革命軍為尤甚專
以破壞為能事並無從來之道德思想及主意苟能

填一己之私慾即為滿足是誠陷入畜生之道中如
世界人類所不敢為之發掘墓地之大罪已在各省
開始行事現代之支那人直可認為非人類而變為
畜生化矣據力之所能記憶者畧舉一二如下 一
馮玉祥軍隊在河南發掘袁世凱之墓掠取其中之
寶物 二湖南共產黨殺葉德輝並掘各地之墳墓
三濟南發生事條之際蔣介石軍隊發掘日人墓
地以上等等是其大概其荒謬無狀宛如明末之闖

獻現代支那人如斯之墮落已無向上之象尤以此
次倡掃除赤化之褚軍竟至掘清室之陵墓實為無
可容恕之人類蟲賊東洋道德之破壞者東方志士
亟應奮起以興義軍一舉而加以討伐斯為重要之
事若支那自己不能實行則有崇拜東洋道德之日
本人將代其伐罪也 民國與清室之關係今無庸
贅言辛亥之役清軍之馮國璋已完全將武漢革命
軍征服繼因段祺瑞之倒戈不得已而退位遂立優

待條件民國之待遇清室應永久照外國皇帝之例
以優待之乃民國十三年馮玉祥倒戈後遂以補助
軍費起見肆其毒牙致皇帝出奔天津而掠奪清室
之財寶凡此種種完全為民國毫無信義之證明國
家無信義恰如人之無道德危及立國之基礎今民
國對清室如此所謂中華民國者實為一土匪盜賊
之團體不能謂之為國家也
譯者初讀此文觀其醜詆痛罵至謂我國為土匪

德成紙店

盜賊團體不能為國家不勝憤激欲摧燒之既思
我國今日人道之由天衢而墮九淵此乃不容諱
之事實又自發陵以來不聞當道嚴懲既獲凶首
仍復縱之據報紙所稱因牽連要人甚多不能宣
布尤駭人聽聞而從事調查者僅聞在清室一方
面則他人之振振有詞亦不能斥其不當矧發陵
寢與尋常發墓不同尋常發墓由其子孫請官究
辦足矣若陵寢則當由國家保護清室既讓政權

則此責任自當民國政府負之如何懲兇如何修
復以後如何嚴密保護俾此禍不至再見皆今政
府之責無旁貸者非若民間墳墓責在其子孫者
已也今政府苟尚自任為國家欲一洗盜賊團體
之恥應速將兇犯及牽連之要人一體嚴懲陵工
速行修復並謀善後之法庶幾可息人言故特傳
譯其文以警當事則此文者未始非沈疴之藥石
也譯者附誌

德成紙店

再聞此次發陵者乃由直軍已經改編為革命軍
之孫殿英部譚溫江所為今不屬褚玉璞部矣又
聞南京政府已派周震麟北上收東西兩陵及明
陵矣若不嚴辦盜發不將陵工修復是但利其土
地所謂相率為利而忘義益不能關外人之口矣
又記
又八月十九日報載為東陵盜發事敬告當道云滅
絕天理慘無人道之已就改編之革命軍隊發掘東

陵事據報紙所載為五月十八日今既一月餘矣而當道於懲凶修陵諸事尚未表示具體辦法僅於報紙中見閩衛戍司令及商主席通電嚴辦而已而既就捕之譚溫江則已由要津保證而復縱之僅羈押經手售賣盜贓之黃百川與各地就獲之分贓從犯數人此數人者其非首要可斷言也報章屢言此案牽引要人甚多即孫殿英譚溫江之是否即為首犯或別有人在此中黑幕非吾人所能逆知要之此案

德盛紙店

不先不後竟發生於黨軍統一北方之時不得不謂之不祥之甚致外人議論詆我國為土匪團體而非國家此種奇恥大辱凡我國民略具人心者宜如何謀所以消雪之茲就管見所及為下列六端以供當道之採擇此固國民之天職新聞記者之責任不敢以不才自諉者也一宜亟派妥員調查真相也此次盜發情形據各報所記參差不一其相同者為乾隆帝陵及孝欽后陵受禍尤慘與發掘者實為軍隊

而非土匪二者而已至他陵是否被發被發後情形如何莫能知也京津當道似早應派員前往調查乃至今尚無所聞似不得不謂之疏忽也須知前代陵寢當由政府保護此為古今定例矧清帝為免生靈塗炭而遜位民國國民國更宜加等保護以酬禪讓之德乃竟至祖宗陵墓遭如此之慘禍按之情理焉得謂平故此案必須嚴辦嚴辦應從調查始矣二辦理經過宜隨時公佈也此案既派人調查亟宜披露

真相又各處所獲及就近就捕之人犯口供以及追回之贓物如何處置均宜一一隨時公布交各報揭載以釋羣疑而杜口實三辦事責任宜交盡也近日報章記閩衛戍司令電請中央派員組織特別法庭專理此案外間紛紛論議有謂足見晉閩之重視此案者有謂晉閩始因此案內幕不易著手將委其責於中央者以記者觀之晉閩之電請中央辦法極是因此案固應中央與地方交盡其責者組織特別

法庭蓋因犯人為高級軍官故由特別法庭裁判之
至調查緝兇善後則地方與中央宜交盡其責以闔
公之賢明當無規避之事此記者所敢斷言者也
四懲凶宜嚴首惡並須緝捕引線也此次正凶究係
何人報紙所記若孫殿英若譚溫江諸人外或尚有
人在俟調查確實必須嚴懲首要又報紙所載遵化
教育會商會會長實為軍隊引線而至今不聞訪拿
此次調查首宜密查果係屬實即行逮捕勿令漏網
若僅辦數從犯而舍正凶則不但無以關國民之口
外人且將議其後矣五清帝后迅宜改殮且須備
禮也此次發陵係由軍隊用攻城法以炸藥炸開其
殘暴可想現在帝后遺體無論情形如何天氣炎熱
宜一面調查一面即與清室接洽速謀收斂兩陵中
凡十餘棺所有附棺附身之具國步已改易十餘年
肆間無從購買帝后禮制者惟故宮中有之宜由衛
戍司令向故宮委員會移取俾不失體制昔清室入

關殮明思宗以帝禮梓宮山陵一遵明代之舊此其
前例若數十年天下共主改殮時以庶人之禮此於
情形合乎不合況對於文德武功烜赫一世有光歷
史之乾隆帝乎當道似宜深明此理固不待記者之
喋喋也六山陵修復宜籌長久之保衛也帝后改
殯即宜著手修陵經費若何估計如何籌措派何人
監理應由中央規畫籌措修完以後保衛之法亦宜
嚴密籌畫以前舊制守陵王公但司典禮別有總兵
官以兵力守護至前代陵寢但置陵戶而已但現在
國家全亂尚未救平陵戶斷不能保衛宜選軍紀善
良之軍隊遴選公正之軍官董率之以資保衛庶慘
禍不至再見此尤善後之要務也總之此次軍隊盜
發東陵除至少數傳染赤化之人外殆無不疾首痛
心於發陵諸盜者今日當道對此事變當亦認為至
憾但聞清室曾由其宗室遺臣致電當道而當道未
聞遣一介之使慰問致歉意亦於禮未允禮之有無

國家之文野係焉愚戇之言當道賢明庶不以為謗
議乎

歲在丙子仲秋下浣蒙古克誠謹錄

德成紙店

